

風俗志

天下之風俗剛柔燥濕異其宜矣先王省方觀民
所以有輶軒之命也永雖五方雜居而淳樸者多
沐浴既久耕讀相半可稱易治若夫瘠壤多山而
土物不減於上郡歲時伏臘而齊民共樂夫

皇仁以至歲有豐凶時有災祥載筆者亦紀其實以傳
信耳誌風俗

士

邑山巒端正川流靜蓄風氣所鍾人多朴茂自有

永川縣志

卷之

風俗

宋先儒陳少南先生以經術氣節倡理學忠義代
有其人明季兵燹後典型已邈

我

朝定鼎之初人自從師家自爲學猶有信義之風邇
來子衿佻達固所不免然家絃戶誦爭自濯磨有
志者每知窮經史敦品行人文駸駸日上

農

漢記蜀地沃野千里舊志謂土沃民逸踈於耕作
名曰靠天今殊不然本業家士女無遺力肥磽無

遺利耕耘收穫踴躍爭先惟恐不及輸將公賦不煩催督有好義終事之風焉然智於力農愚於保業往往有父與而子敗者不教故也

工

攻木不過松栢攻金不過銀鐵設色不過布博埴不過陶弓矢玉皮等工俱無惟尙渾素不作奇淫

商

作安土重遷商賈殊少土人所需服食器用等屬貨者皆他省遠人邑民居市區間有挾貲負販者

永川縣志

卷之八

風俗

然皆務本實遊蕩者鮮

冠

自三加禮廢冠服由俗惟於受室日親友贈字或戒鄉先生加冠服祝以格言卽謂之冠

婚

古載六禮家禮存納采請期親迎三者而已俗初聘媒氏往來通言女氏訖之然後壻家修鸞箋畧具服飾延媒遣使者奉書如女氏主人奉書告之先手書年庚乃禮媒氏投使者以復書卽回鸞箋

曰定聘亦有挿香允訂者向來士民不用紅庚定聘時但媒氏持香燭謁女氏祖先及其父母族戚遂許纓及當婚時婿家始備服飾修簡書延媒賚獻曰過禮報曰婚期婿家主人女家主人間有衍行醮禮者然皆不親迎但用鼓樂綵輿遣至親一人夫婦往迎以代之曰接親婦車至舉蒙頭謁家堂畢遂見舅姑亦有次日始見舅姑獻贄幣者

喪

親初喪遂沐浴小斂遂含飯大斂無定日擇日成

永川縣志

卷之

風俗

服朝夕奠卜吉始葬葬之日延賓題主親友吊賻有葬之日卽設奠者有葬之後數月始設奠者三虞小祥大祥禫諸祭守禮家間徧行之但多尙浮屠士大夫亦有不作佛事者人不悉從至於風水之說賢者權以理愚者惑於數有預卜吉兆而葬者有停柩經歲月而始葬者有葬之多年而復遷者雖士大夫亦然

祭

古者冬至祭始祖立春祭先祖季秋祭禘永俗不

立家廟不藏祭器供神主於寢室祔而不祧清明
日祭於墓元旦端陽中元除夕祭於家荐用時品
士大夫家立有廟亦止大宗祠堂其繼高曾祖禰
之宗俱同俗祭於寢

飲食

設席肉食爲尙山蔬次之邇來士大夫家間用海
味有一席費千錢者

衣服

男子布衣女亦如之縉紳先生每有衣大布經浼

永川縣志

卷之

風俗

洗者惟富家頗尙都麗然亦十之二三至胥隸中
竟有公然穿綺縠履繡襪揚揚服役者

祥異附

後梁太祖乾化三年五月騶虞見璧山有二鹿隨之

四年麟見昌州

時永川爲璧山昌州地

宋太宗太平興國元年冬渝州獻九穗禾

淳化二年永川民梁行良家牛生雙犢

祥符三年昌州羅柱生芝四年七月地震

高宗紹興二年五月渝屬大旱

寧宗嘉定九年二月東西兩川地震

明武宗正德四年秋七月永川白虹亘天五年永川榮昌界蝗

世宗嘉靖七年秋全蜀大旱三十三年六月大旱神宗萬曆十五年永川有石自行

崇正壬申夏旗山產瑞芝

皇清雍正元年全蜀大稔十三年乙卯大旱

乾隆丙寅春三月大風雹泮池古樹根折臘月二十四日彗星見西方辛未夏黃斑虎害城南汛

永川縣志

卷之

風俗

防把總率兵民殄之遂大雨七月例貢陳舜裔屋後蛟騰雷雨風雹交作山崩水湧入屋三尺舉家無害冲壤糧田若干畝丁丑縣南二十里鳳凰溝地裂長約數丈寬成溝乙酉大旱戊子九月二十一日戌時地震丙申大有年

物產

附

五穀之屬

穀字從克從米爾雅翼云梁者黍稷總名稻者漑種總名菽者粟豆總名三者各二十蔬與果助穀

各二十是爲百穀

稻有糜粘白粘紅粘麻粘毛粘香粘廣東粘六十早

五十早洗白早大穀早細穀早鐵脚早早糯遲糯

石子糯折澗糯金包銀糯大糯小糯

梁與粟同而微異本高六七尺其實赤莖可爲筭

楚金新唐志昌州貢楚金

今無

粟梁屬稍細有早晚二種按周禮九穀六穀皆載梁

不載粟然梁與粟名異而實同

麥一名來小麥也一名楚大麥也早者爲鑿麥可繼

永川縣志

卷之

物產

乏絕喬麥一名烏麥宜於旱年可以救荒

菽豆總名也有黃豆黑豆綠赤小豆青豆紅豆花豆

刀豆飯豆娥眉豆猪牙豆蠶豆扁豆晚豆灣豆胡

豆剛豆

稷穀名稌類粟米稍大亦呼爲穀

黍黑者和與稷當暑而生二桴二米爲秬皆可釀酒

芝麻可爲油其類有黃黑白三色子亦可食味香

玉米俗名包穀本高如赤梁實結穗端長五六寸其

粒色黃鮮如珠

乾禾俗名旱穀其種類是稻種於岡阜不用水澆
蔬蔬之屬

在木曰蔬在地曰蔬又蔓生實曰蔬說文凡草根
可食者通名曰蔬

蔬菜之屬

芥菜 白菜 油菜子可作油 萵苣 蘿蔔 蕘菜

葱 韭 蒜 小蒜 菠菜 芋 薯有紅白二種

芹茄 莧有紅白二種 馬齒莧 薤 苦蕒 笋

蕨 紫蘇 薑蒿 魚蒿生松子概 地菜 葫蘆

永川縣志

卷之

物產

青椒 菌 薑

瓜菓之屬

王瓜 絲瓜 南瓜 冬瓜 瓠子 西瓜 苦

瓜 甜瓜 木瓜 桃 李 櫻桃 柑 梅子

橘 柚 橙 梨 栗 柿 銀杏 石榴 榛

金嬰 佛手 枇杷 香圓 核桃 稜角 藕

葡萄

竹木之屬

斑 水 蕨 苦 茨 紫 鳳尾又名京 花

斑松栢杉油者良楠桂椿青木

槐柳榆樗櫟楊桔楓檀桐

梓棕

蠟白楊黃葛檉柳桑柘杵

花草之屬

牡丹芍藥蘭蕙葵蓮菊有數種芙

蓉萱粉團金鳳鷄冠玉簪海棠

木槿翠屏松剪春蘿虞美人金蝴蝶

七姊妹月月紅滴滴金茉莉剪秋蘿

川縣志 卷之 物產

水仙山茶江鈴紅梅白鶴絲桃虎

耳草狗尾芭蕉菖蒲艾荆芥薄荷

黃精鬱金牛膝木通車前葛根巴

豆茅根水萍當歸麥冬史君子金

銀花苦參香附茴香天冬冬青子

欵冬花茵陳練實枸杞夏枯草今無各

精草半夏蒼耳密蒙花石斛梔子

鼠粘子決明商陸棕櫚

獸之屬

布穀 戴勝 雀 鴉 鵲 鳩

鶻鳩 杜鵑 野鴨 燕 練雀 白鷗 鶻 鶻

八哥 畫眉 鷹 鷓 反舌 錦鷄 白頭翁

翠鳥 鸚鵡 啄木 梟 秧鷄 鴛鴦 竹鷄

虎 狼 豺 豹 鹿 兔 獐 麂 穿山甲

野猪 水獺 刺猪 狐狸 竹鼯 熊 獾

昆蟲之屬

蜜蜂 蝴蝶 蜻蜓 蜈蚣 蚯蚓 蜘蛛 蛇

促織 蛙 蟬 蜥蜴

蘇志 卷之 物產

介之屬

鯉 鯽 青鱗 白甲 鱗 鰍 辣子 烏邊

崖鯉 黃坂 龜 蚌 蟹 螺 蛤 蚶 鱉

雜物之屬

棉 麻 葛 鐵 茶 煤